

## ТАЪЗИЯ



15:30 / 06 август 890

«**Hilol Nashr**» матбаа-нашиёти ҳамда **Islom.uz** портали жамоаси нуфузли дин арбоби, Россия Федерациисидаги Шимолий Кавказ мусулмонларини мувофиқлаштириш маркази раиси, муфтий, шайх И smoил Бердиевнинг вафоти муносабати билан у кишининг барча оила аъзоларига, сафдошлари ва шогирдларига чуқур, самимий таъзия изҳор этади.

Муфтий И smoил Бердиев кеча, душанба оқшомида бу фоний дунёдан боқий дунёга риҳлат қилдилар. Аллоҳ таоло марҳум уламонинг барча солих амалларини ўзларига ҳамроҳ қилсин, қабрларини жаннат боғчаларидан қилсин, бу дунёда қилган хайрли амалларидан, хизматларидан ҳосил бўлган ажру савоблардан Қиёматга қадар баҳраманд қилиб, руҳларини шод қилсин, охиратларини обод қилсин, ваъдасига биноан, иззат тожини кийдирсинг, ҳақларига қилинадиган барча хайрли дуоларни ижобат айласин!

Марҳумнинг аҳли байтига Аллоҳ таолонинг қазои қадарини розилик илиа қарши олган чинакам мўминларнинг мақомини сўраймиз, барча яқинларига гўзал сабр тилаб қоламиз.

Муфтий И smoил Бердиевнинг аҳли оиласи, фарзандлари ва ёр-биродарларига барча мўмин-мусулмонлар номидан, минглаб мухлислари

номидан бу мусибат дамларида ҳамдардлик изҳор қиласиз, марҳумнинг ҳақларига дуода бўламиз.

Сиз азизлардан ҳам марҳумнинг ҳақларига дуолар қилишингизни сўраймиз.

«Сабрлиларга хушхабар берингки, улар ўзларига мусибат етганда «Барчамиз Аллоҳникимиз ва барчамиз Унга қайтамиз», деганлардир».

### ***Иннаа лиллааҳи ва иннаа илайҳи рожиъуун!***

Исмоил ҳожи Бердиев 1954 йили Қозоғистон Республикасининг Сайрам вилоятида таваллуд топган. У киши 1982–1988 йилларда Бухородаги Мир Араб мадрасасини, 1988–1992 йилларда Имом Бухорий номидаги Тошкент ислом институтини ҳамда Миср Араб Республикасининг ал-Азҳар университетини тамомлаган.

1989 йилда Ставропол ўлкаси мусулмонлари қозиёти раиси этиб сайланган. 1991 йилда Каракай-Черкес Республикаси ва Ставропол ўлкаси мусулмонлари диний бошқармаси раиси бўлган. 2010 йилдан Каракай-Черкес Республикаси мусулмонлари диний бошқармаси раиси бўлиб ишлаб келаётган эди.

2004 йилдан умрининг охиригача Россия Президенти ҳузуридаги диний бирлашмалар билан ҳамкорлик масалалари бўйича кенгаш аъзоси бўлган.

Марҳум Исмоил ҳожи Бердиев бир қанча мукофотлар билан тақдирланган. Хусусан, IV даражали “Ватан олдидаги хизматлари учун” ордени (2024 йил); “Шон-шараф” ордени (2016 йил); “Дўстлик” ордени (2004 йил); Россия Федерацияси Президентининг Фахрий ёрлиғи (2023 йил); “Дўстлик” ордени (Озарбайжон, 2019 йил); Аҳмад Қодиров номидаги орден (Чеченистон, 2008 йил).

Ҳақ таоло марҳум олим, жамоат арбоби Исмоил ҳожи Бердиевни мағфират этсин. Фирдавс жаннатлари билан сийласин. Бу дунёда қилган барча хайрли, савобли ва эзгу ишларини бошларига соя, охиратларига захира қилсин.